



5471

文章游戲初編卷六目次

述

學堂通弊述

嘲

僕嘲

對

餅聲生對客問

蝨對

王臺
李紹城

疏

代乞收亡靈為義女疏

山陰

石麟

王書

募小菜疏

繆良

制

擬淳于棼授南柯郡制

謝春溶

檄

討蚤檄

崔佳鈞

判

文章游戲初編卷六目次 一



雙縊判

唐仁植

狀

懼內供狀

擬卦

師卦

曹斯棟

朋卦

仁和

韓文潮

駕虹

筆卦

顧天朗

薛隱

賭卦

文章游戲初編卷六目次二

鬚卦

繆良

困卦

繆良

酒卦

繆良

擬誥

鳳王之誥

顧天朗

館誥

繆良

擬月令

山中月令

顧天朗

書齋月令

繆 艮

中華書局
戲初編卷六 目次 三



文章游戲初編卷六

武林 繆 良 蓮仙 輯

學堂通弊述

杭城之文風最盛。吾人之學問宜優。抱膝長吟。想見前人深致。讀書懷古。夙稱志士高風。無如此日之書齋。用功者少。可奈近來之子弟。偷懶者多。未聞愛惜寸陰。不過了其故事。況乃弊端百出。居然習以爲常。要頭兒只說除腐氣。好要

文章游戲初編卷六

一

子推做活文機。講講談談。空挨歲月。嘻嘻笑笑。虛度光陰。看詩書。閱經傳。聊且乘興。一時鬪口。角討便宜。從不讓人。半句文期。將到先愁。明日何題。交卷已完。脫却自家。干係。搭起空心。架子。或可欺同類之人。究其實在。根由終難對。先生之目。惟是口銜煙袋。手捧茶杯。此往彼來。按位何曾坐着。東游西蕩。書聲久已無聞。逍遙古董灘頭。游戲舊書坊。裏五更夢醒。立心尙想讀文。

章兩頓飯完。却恨依然無主意。且也架眼鏡。喫水煙。學拿款。官腔充時風。近視洞簫吹出。且來唱隻耍孩兒。小說看完。却好接着三國志。或開傳奇之曲。或來出會之場。或因望友而聽戲文。或借燒香而看堂客。上山約伴。屢開東道之風。出館同人。常玩西湖之景。若遇圍棋一局。何等用心。倘逢骰子三枚。更難放手如斯而已。夫復何言。旣而學院取齊童生。没法擬題亂做大摩。

文章游戲初編卷六

二

風氣於宗師。考信的真。預託安排於門。斗調停。供給。且自養神。收拾考籃。不妨起早一乘大轎。兩盞燈籠。轉灣抹角。而如飛考鬼。前行管家。後走相公。少爺而亂叫。頭戴空梁緯帽。長袍短套。亦輝煌。脚登厚底烏靴。手帕挂包。皆簇斬搖搖。擺擺。踱進衙門。擠擠挨挨。都來聽點。封門號炮。三聲急得魂飛天外。監場老師幾個。猶如鳥在籠中。歸號希圖完卷。誰想功名出場得意抄文。

又思僥倖打點圖兒之出猜疑報子之來只說
文中有運人人都想高標及至案上無名箇箇
盡稱冤屈於是已經倒煤漸圖散悶或備小酌
或設大東上山而喫酒擾茶落湖而搵拳行令
臨要起行心尙在釘鞋巷口業經返舍情不忘
洋市街頭於焉重整館規思量發憤排密工夫
爲爾一朝興發不辭辛苦只有三日完全方纔
到館又想回家凡遇作文都思逃課鮮衣華服

文章游戲初編卷六

三

居然一抹斯文秋去冬來又是往年局面字不
寫書不看終日三餐作何勾當日裏嬉夜裏睡
一年四季那得新鮮嗟乎白日偷閒徒短才人
之氣青春不再常灰志士之心余本局中人毋
庸自諱作此勉勵語敢告人知

軒豁呈露可以挽頹風而歸實學自是有用

文章

繆蓮仙

僕朝

蓋聞名著崑崙。至今不再。願隨穎士。自古而然。歷數鄉黨內之僕。從竟無義。僕試看富貴中之奴隸。盡是豪奴。逾格施恩。面前假爲感激。有時輕責背後。遂肆譏彈。設心往往不良。已成此行惡習。作事常常貽誤。總由若輩蠢愚。雖則賢君子時存體恤之心。其奈癡小人終乏改悛之日也。材堪傳信。名曰司閻。考其年齒。殆居同類之

文章游戲初編卷六

四

先凡厥稱呼。獨有老兒之號。騎馬乘輿而至。急開門垂手。蝦腰捉襟。掣肘而來。側轉頭胡言亂語。想欲從中竊取。暗與隊夥相連。懶於入內。通知動謂主人不在。繩穿粗瓦。在常爲盛飯之資。火貯破箕。冲足供喫煙之便。孤可知己貧也。何如又有別等之奴。任作跟班之僕。年多少壯。身材不短不長。性喜浮華。用度無文無飾。聰明者點頭知尾。愚鈍者命東往西。隨家主而拜賓朋。

爭先投帖。侍內客而游神廟。逐後扶輿。暑天則
又口涼胎半接衫。動稱工緻。冬月則高邊煖帽。
一裏圓競門時。新玫瑰手巾。縮絲條而挂諸簪。
後大紅煙袋。繫銀索而拖至鞋跟。業已舍己從
人。不復改邪歸正。得意時稍有出息。只圖身上
光鮮。出氣後絕少贏餘。難免生前困苦也。等而
下之。則有僱工奉其美名曰錫罐鬼。加彼綽號
曰火頭軍。偶至西家便說東家之貧富。別尋新
主常論舊主之短長。罷午膳而披衣。卽赴演戲
賭錢之所。憚辛勤以塞責。無非燔柴炊米之勞。
飯乾私自收藏。泔水公爲利息。借端竟去。尙少
工銀。到老無依。恐爲乞丐。豈願役身於賤。此來
彼往。人前怕叫奴才。罔知敬主之尊。巷議街談。
私下常稱某老。此等爲人。固屬可惡。而其勞力
亦甚可憐者矣。總之旣成賤態。原難尋出類之
人。卽有超羣。終不脫下流之氣。聽其笑罵。恨吾

輩動筆尖酸。任我形容。望此類從今改悔云爾。
此類情形莫逃文人洞鑒毋怪其厭棄吾輩
也。
繆蓮仙

文直遊戲初編卷六

六

餅罄生對客問

王臺

餅罄生寓東城三載矣。課六七童子。圖書左右。坐一室。朝夕食三餐。酒數觴。夜篝一鐙。漏三下始寢。生家不二里近。有老母一兄兩弟。有妻無子。無女。無奴僕。歲脩不過十脗。窘甚。食粗糲。衣寬博。無功名。寄情於詩。詩不甚工。嗜酒。缺金不能時時抱餅。餅罄因自號焉。不喜往來富貴。與二三同志。或飲且歌。若不知非笑之爲非笑。一

日客有造而問曰。生之境則然。生之所以處境何也不見取科名。登仕籍。爲國家建勳業。衣紫乘黃。前後呵擁。道旁側目者。莫不曰。夫夫人子也。又不見善會計。權子母。盈千累萬。潤身華屋。奉父母妻子。夫夫亦人子也。生計不及斯二者。得非所以處之歟。生曰。唯唯。言非不刺刺。余心殆難強也。夫蹲甲而射穿七札者。養由之技也。彈鋏而歌謀三窟者。馮驩之能也。擊刁斗。整部

伍。咸。仰。其。威。者。程。不。識。之。軍。令。也。彼。三。子。者。道。豫。前。名。隨。後。近。世。之。捨。名。聚。利。殆。有。養。由。三。子。故。智。而。命。實。赴。之。余。則。何。敢。望。焉。客。曰。然。則。生。坐。一。室。守。一。瓊。名。不。出。鄉。里。養。不。及。老。親。落。落。寂。寂。將。何。求。生。曰。非。無。求。特。異。乎。人。之。求。名。求。利。爲。求。而。以。無。求。名。無。求。利。爲。求。夫。以。無。求。名。無。求。利。爲。求。則。其。求。也。僻。是。以。不。得。不。坐。一。室。守。一。瓊。矣。雖。然。一。室。一。瓊。或。益。之。一。山。一。水。或。

文章游戲初編卷六

八

益。之。一。琴。一。樽。一。歌。一。詠。老。母。瘦。妻。相。對。怡。怡。更。益。之。一。子。一。女。教。之。耕。織。爲。之。嫁。娶。其。斯。而。已。矣。然。求。之。幾。二。十。年。不。可。得。然。余。終。不。欲。以。彼。易。此。是。以。一。室。一。瓊。待。之。奈。何。客。不。之。問。也。笠。生。有。才。不。偶。其。磅。礪。鬱。積。之。氣。無。由。披。豁。時。時。出。以。游。戲。然。秋。隼。摩。空。夜。猿。啼。嶺。終。不。是。好。情。緒。也。令。我。掩。卷。三。嘆。繆蓮仙

韓昭侯既逐蚤。窮搜襦袴。得蝨數十。將盡殺之。倦而假寐。見褐衣人。囚首喪面。拜於座前。昭侯曰。嘻。子何居。對曰。余蠕蠕氏外臣也。自挈子姓。以託君體。蓋有年矣。君侯居深宮之中。不離保傅之手。席豐履厚。與臣等宜若無緣。而臣以肌膚之親。乘氣化形。得侍左右。將陳至道之要。如王猛見符堅故事。今不察臣之功與志。欲賜之

死。願少緩須臾。得敬陳其略。臣聞修身者。尚節宣之和。除疾者。決閉滯之患。是以水有壅。則不通。木有癭。則將槁。今君侯飽食煖衣。四肢怠惰。血脈橫溢。外強中乾。久而不治。必將爲患。故臣吮咂其間。不避勝下之辱。深負舐痔之笑。率其子孫。延緣周匝。晝夜往來。靡有寧息。使君侯血氣聰明耳目。和平竊謂臣之功。亦已大矣。君之德亦已報矣。然臣猶竄伏無時。深自隱匿。不敢

上緣鬚眉致忝禮節。加以裘葛屢更家室靡定。臣雖愚蠢曾未懷幾微之怨於胸。冀君侯必將曲加撫育。命文士如卞彬輩作賦寵榮。而乃白眼相睨。窮力搜捕。誓滅此朝食。此臣所爲吞聲而泣血者也。當此之時。臣非不能覓罅隙之地。苟延旦夕。慮天下指余爲口實。且謂臣以口腹之欲。害於君身。故縮首待罪。而聽命焉。若夫繞衾枕之間。盈妻妾之體。浸淫漫衍。動累數千。此則衣敝衣者。臣日所戲弄。而非敢施於君侯區區之意。願君侯明察。昭侯曰。善。勅典衣者。持置衣桁上。勿殺。後百餘年。有紀昌者。以射名。韓魏間。見此蝨。大如車輪。引弓射之。洞心而斃。餘種遂蔓生天下。然依窠人子。多不得其死。以終。

觸筆成趣而文氣疎古亦頗類國策

繆蓮仙

代乞收亡靈爲義女疏

有引

石

麟

前明嘉靖間廣東平遠縣王公諱巽山
原配計夫人勅封貞烈廟食邑中迄今
盧君桐坡來宰是邦未幾其妾陳氏病
卒浼予作疏乞夫人收爲義女因走筆
成此

蓋聞死歸生寄是身原等於浮漚而義重情深
斯意獨難於割愛茲有姬人陳氏他鄉隨宦家

文章游戲初編卷六

十一

本迢遙異地云殂年猶孱弱可憐此際相思不
盡傷懷回憶從前往事皆堪屈指賦性幽閒貞
靜居恆儉約端凝事所天則極致殷拳恩同伉
儷御諸下則備形慈諄量似汪洋某當秉鐸寒
穽賴彼中饋是勲而勤紡織每不分晝永宵沈
及公車孔道出乃女紅所積而助舟輿方得免
山徒水涉論其分雖廁羣姬之列計其功實兼
主婦之勞此固香山之所不能忘而金屋之所

宜常貯者也。今某來宰是邦，共攜之任，相依既久，相得益親。每讀小星，嗜彼之章，時切甘蔗，旁生之望。但椿庭空老，問誰將詩禮而趨，乃蘭夢忽微。深自幸箕裘克紹，詎料悲因喜集，莫傳令子以青箱生。卽死時，翻委美人於黃土，胡天不弔，難產而亡。嗟乎，剩粉遺脂，處處驚疑，幻影淒風。楚雨聲喚斷離魂，生憎鸚鵡相呼，愁懸銅板。最恨鴛鴦無夢，怕掩羅幃。從知兒女情長，果

文章游戲初編卷六

三

使英雄氣短。一朝分手，萬古酸心。五夜迴腸，千秋泣血。湘江道遠，靈輿難返。鄉關宦海，羈縻玉骨。竟埋義塚，在宵來之螢燈。鬼火固不免魑魅爲鄰，而野外之瘴霧蠻煙，保母有狐狸之侮。幽明自判，生死誰扶。欲於窀穸求其可依，泉臺邀以永庇者，莫我計。夫人若也，貞魂烈節，旣以炳著邊陲，佛性神威，定必哀矜弱魄。爰敢冒昧，以請乞將陳氏亡靈，或收爲義女，或列於侍書，命

其換水添香。澆花煮茗。蔭垂蓮座。可免空歸。月
夜之悲。灑到楊枝。何來汚血腥池之苦。使薄命
人不致爲薄命。鬼庶我有情。始亦不致以無情
終矣。伏乞垂念苦衷。俯俞收錄。則某之心香常
薰頂德無窮。世世生生。歿存均感。謹此具疏以
聞。

事誠無聊之極。思文乃竭情而盡致。

繆蓮仙

募小菜疏

繆 良

伏念古人設祭。蔬食必佐以菜根。我輩持齋。黃齋適宜乎淡飯。某叨蒙檀越。仰沐鴻施。一飯難酬。慣飽嗟來之食。五葷不御。常懷脫粟之悲。腹幸免於調飢。情實艱於旨蓄。伽藍入夢。不踏菜園。文殊現形。空談瓜蒂。縱欲把長鑱。以託命無如學。老圃而未能。惟願當蓋飯之喜施。擷園蔬而並捨。春韭秋菘。不敢望庖耶之二十九種。晨鐘暮鼓。自當效童子之五十三參。頂禮本師。廣栽福地。菜根香處。卽是大衆拈花微笑之機。梅子熟時。益感十方芥子須彌之德。僧厨永戴佛力無量。謹疏。

文章游戲初編卷六

古

生花之筆拈時亦應微笑

小顛釋禪一

澹而彌永雅而不俗十方檀越見之安得不

布施也

淡如釋交用

擬淳于棼授南柯郡制

謝春溶

南枝向暖。青皇之德澤先承。北海迎賓。太守之
風流夙著。開柳衙而嘯月。領花縣以行春。九棘
分榮。三槐虛左。某才舒驥足。譽擅蟻封。直節立
朝。不比風前之竹。芳齡尚主。曾攀天上之花。洵
推心腹之臣。宜在股肱之郡。秩專五馬。兆協三
刀。應笑盧生。空入邯鄲之夢。還嗤鄭相。並無蕉
鹿之聰。沛厚德於甘棠。表謙光於大樹。誚魏收
鑰。

文章游戲初編卷六

五

初日芙蓉謝康樂君才可以繼武

繆蓮仙

討蚤檄

崔佳鈞

爾本么麼小醜。浮躁性成。鑽刺生涯。彌縫自固。肆其利口。則宜尼之席煖。且不遑聚以剝膚。則原憲之衿捉焉。何暇縱貪饕之欲。徧體成斑。恃跳脫之能。隱身難覓。股肱可託。居然吸盡脂膏。溫飽是圖。竟欲依爲寢食。宵橫行而晝不伏。才鑽更甚於蚤。蚤來有影而去絕踪。跋扈尤殊於蟣。虱。凡諸罪惡。急宜剿除。方當堯舜垂裳。羲皇

文章游戲初編卷六

六

高枕娘子之軍具。在夫人之陣。堪施共整甲兵。用推牙將指麾。幃掃蕩枕衾。膚受者怨。有由歸肉。食者殺之無赦。爪牙濺血。雖匿跡其何從。露布臨風。欲跳梁而曷濟。淮陰水戰。一勺橫尸。諸葛火攻。半篝赤族。指掌而不難搜索。殲厥渠魁。反手而可以翦除。及其脅從。若乃徘徊罅隙。濫廁冠裳。則條去條來。定伏肉刑之法。無小無大。莫逃手刃之誅。無令噬臍。行將沒齒。此檄。

蚤之罪實浮於蟲董以寧作討蚊檄而不及
蚤母乃漏網陶士此文出誠饜飫余心矣然
安得娘子軍併力勦除之豈不更快

繆蓮仙

雙縊判

唐仁瑄

勘得何兆福與高大姑。生並小家。住偏比屋。當門前作劇。尙兩小之無猜。迫樓上獨眠。遂三生之有約。彼踰牆而搜處。子固非禮所及。防此鑽穴而窺丈夫。抑又願所必遂。糊塗煞爹孃老眼。昏久無知。繾綣兮兒女私情。茫然未察。以致却平原之聘。徒悔噬臍。且益堅抱柱之誠。不容坦腹轉瞬。笄年已誤。生不適陸氏門。誰云泉路堪

文章游戲初編卷六

六

嗟死。幸作何郎婦。遺言留楮墨。曾不渝同衾。同穴之盟。畢命挂絲繩。要無忝匹婦匹夫之諒。本縣目擊雙懸。心憐共命。民彝本由物。則惟從一之足。嘉王道原順。人情尙有終。之能正教。必豫童牛之牯。踰閑難責。諸虽氓風。或殊艾豸之歸。取節弗遺於侗俗。用捐廉糶。俾勒貞珉。歌蒿偕孔雀之詞。文梓起鴛鴦之塚。庶幾連理長榮。南國一坏永傍西泔。此讞

吾杭何某與鄰人高氏女有盟約高氏父母
不知別與陸姓議婚女無如何因偕何某同
時縊死仁和縣尊唐公判令合葬一時傳爲
美談

繆蓮仙

文章遊戲初編卷六

九

懼內供狀

伏惟陰盛陽衰巾幗之雄可畏女強男弱鬚眉
之婦非常秉坤而乃以乘乾夫綱已墜治內更
兼乎正外妻道何隆風斯下矣豈世間皆燕趙
佳人教且同焉實宇內乏昂藏男子慨往古而
云然嘆近今之益甚某本狂生年當授室方謂
美如城北豈期配在河東號閫內之大將軍自
他有耀怕老婆之都元帥舍我其誰非關秀士
溫柔只爲雌風剛勁鳩盤茶踞白蓮臺上臙脂
虎卧紅錦叢中一言觸惱分明太歲當頭片語
加嗔彷彿小魑破膽抱衾裯猶存彀觥侍飲食
殊切悚惶奉令承教早等綸音諭旨之嚴言聽
計從恪遵婦倡夫隨之訓被罵總莫妙裝呆動
怒又何妨陪笑出必告似哀猿唳月反必面如
餓馬奔槽可怪者平時聲若洪鐘到妻前而不
聞其響可憐者縱爾勃然盛怒入房中而忽改

其容誠何心哉。良有以也。而且娘子每抱采薪之憂。卑人必存割股之孝。茶湯自進。寧同保母之煩。呼藥食親調。詎比了鬟之偷懶。體心着意。痛癢相關。敲背摩胸。殷勤曲盡。宜乎恩威並用。賞罰兼施。孰料慈悲心不捨。半毫冰霜面。居然終日縱使。盈盈秋水。但常見金剛弩目之時。如何淡淡春山。不會逢菩薩低眉之日。燈影下誰教你屈體蛇行。所可道也。言之醜也。人面前更

文章遊戲初編卷六

三

異他大聲獅吼。庶幾改之。子日望之。尤可憚者。立法偏凶。設刑俱備。大門門使丈夫之驚魂。墮地小棒槌。乃娘子之扑作。教刑馬桶蓋。制就圓枷。儼似中軍之帽。裹脚布。權爲長鍊。竟同綿殮之尸。繡房中一箇罪囚。卽夏禹泣之而奚益。黑夜裏渾身疼痛。縱文王視之而徒傷。欲討饒。旣虞鑽隙相窺。將高喊。又恐隔牆有耳。由是啞氣低聲。學吞炭之豫讓。攢眉齧齒。儕刺股之蘇秦。

古公何罪。竟罹无妄之災。陽貨邀恩。獨感不孥之德。齟犀牙如此鋒銛。長頸邊會隱着一顆紫印。麻姑爪這般利害。瘦臉上早現出幾縷紅斑。以云困頓不亦甚乎。若謂風流未之有也。將登山臨水。總是提心弔膽之場。卽宴客娛賓。無非晝後跋前之恐。九子魔時時作伴。羅刹女刻刻相依。旣難爲孟嘗君之秦地私逃。亦徒爲齊景公之牛山隕涕。頗情願削髮而念阿彌。或告之

文章游戲初編卷六

三

吁無所禱也。恨不能腐刑而爲閹侍。彼將曰噫。於女安乎。是以生死均難。進退維谷。從來少吐氣揚眉之日。恆覺多囚首蹙額之容。此懼內之稟性良然。真怨慕之苦衷。莫解不得已而傳之。管城子未能盡我形容。無奈何而寄諸楮先生。庶可知予苦楚。聊因藏拙。不敢書名。人各有妻。觀之休笑。供狀是實。

極情盡致非過來人不能道

繆蓮仙

師卦

曹斯棟

師。亨。貞。小。人。吉。君。子。否。象。曰。師。尸。也。亨。貞。通。方。
而。後。可。久。也。小。人。吉。往。有。功。也。君。子。否。其。道。窮。
也。象。曰。席。升。于。西。師。君。子。以。不。耕。而。食。初。六。有。
教。無。類。象。曰。有。教。無。類。來。羣。醜。也。九。二。擊。蒙。悔。
亡。象。曰。九。二。悔。亡。蒙。不。可。擊。也。六。三。飲。食。衎。衎。
弟。子。嘻。嘻。吝。象。曰。飲。食。衎。衎。素。飽。也。弟。子。嘻。嘻。
失。教。也。六。四。朋。來。內。言。出。于。梱。貞。凶。象。曰。朋。來。

文章游戲初編卷六

三

未失常也。內言出于梱爲厲階也。貞凶位不長也。六五人之患在好爲人師。象曰好爲人師無師也。上六大君有命小人勿用。象曰大君有命崇文教也。小人勿用。師道光也。

此先生閱歷後語故真實不虛

繆蓮仙

朋卦

韓文潮

朋。亨。吉。貞。厲。豕。曰。朋。亨。吉。通。方。而。吉。也。不。利。君。
子。是。以。貞。厲。象。曰。二。人。同。心。朋。小。人。以。利。而。合。
初。六。酒。食。貞。吉。象。曰。酒。食。貞。吉。交。相。愛。也。九。二。
嘻。嗃。于。內。震。驚。于。外。交。孚。无。咎。象。曰。嘻。嗃。于。內。
言。不。及。義。也。交。孚。无。咎。中。心。願。也。九。三。有。不。速。
之。客。來。羣。居。終。日。象。曰。九。三。之。來。比。匪。人。也。六。
四。富。家。大。吉。象。曰。富。家。大。吉。大。得。志。也。六。五。和。
光。吉。利。有。攸。往。象。曰。和。光。之。吉。往。有。功。也。上。九。
尚。夫。中。行。其。心。不。快。象。曰。尚。夫。中。行。心。未。快。也。
同。道。爲。朋。小。人。道。長。君。子。道。消。也。繆。蓮。仙。

筆卦

顧天朗

筆元亨利用書貞吉。彖曰：筆聿也。剛柔合而成，內虛而外健，柔得中而順行，應乎剛而文明。是以元亨利用書貞吉。書契筆而天下治也。春秋筆而亂臣懼也。筆之時用大矣哉。象曰：天下文明，筆先王以作書契，代結繩。初九：田于林，臯獲兔，拔毛以其彙，征吉。測曰：獲兔拔毛，大有得也。六二：淇園伐竹，用資簡牘。測曰：淇園之竹，虛而

文章游戲初編卷六

筆

直也。用資簡牘，言有實也。九三：秉筆濡其墨，王用享于三畫，大吉。測曰：三畫之吉，其文立也。九四：隕筆不利，入于場屋，有悔。測曰：隕筆有悔，其行塞也。九五：利見大人，天下同文。測曰：利見大人，居君側也。天下同文，小人黜也。上九：筆顛斜，不資錄，其形秃，終凶。測曰：筆顛形秃，任之極也。

精實語不愧擬經

繆蓮仙

賭卦

賭凶无攸利。彖曰：賭如也。君子賭而業隳，消亡。小人賭而濯于桁楊，賭之爲殃大矣哉。象曰：上慢下賊，賭后以嚴刑懲忒。初：童蒙之嬉，吝。象曰：童蒙之嬉，漸不可長也。義方有訓，患豫防也。初二：誘賭以迷，往卽于泥。象曰：誘賭朋之傷也。往入其類，自戕也。初三：夫征不復，婦嘆于屋。良友不告，象曰：夫征不復，夜以爲明也。良友不告，不可匡也。初四：晝不食，夜不息。資士有疾，象曰：不食不息，反厥常也。資士有疾，大無良也。初五：鑿賭有悔。象曰：鑿賭有悔，志剛也。上六：出涕沱若。吉。象曰：上六之吉，羣悔亡也。

發揮透徹可作箴銘

繆蓮仙

鬚卦

繆 艮

鬚。有。孚。元。吉。大。人。貞。小。人。否。光。亨。无。咎。象。曰。鬚。需。也。或。有。或。無。需。以。乘。時。也。始。富。有。而。終。割。棄。以。避。大。難。魏。王。以。之。小。人。否。光。而。亨。也。始。無。而。終。著。其。美。蘇。子。以。之。大。人。之。貞。吉。無。不。利。矣。聖。賢。鬚。而。脩。鬚。生。奸。雄。鬚。而。短。鬚。萌。鬚。之。時。義。大。矣。哉。象。曰。毛。自。頰。生。鬚。君。子。以。凜。威。風。表。丈。夫。初。六。鬚。于。少。突。如。其。來。如。焚。如。棄。如。雍。如。象。曰。

文章游戲初編卷六

七

突。如。其。來。如。未。當。位。也。九。一。鬚。于。壯。面。戢。戢。出。如。戟。利。用。將。象。曰。出。戟。用。將。懼。不。長。也。六。三。鬚。于。老。鑷。其。白。出。血。漣。如。貞。厲。湟。而。不。淄。弗。藥。有。喜。象。曰。鑷。白。貞。厲。災。切。膚。也。勿。藥。有。喜。志。未。汚。也。九。四。鬚。于。脣。无。咎。无。譽。惟。艱。于。飲。食。悔。吝。象。曰。无。咎。无。譽。得。中。也。飲。食。有。悔。其。道。窮。也。六。五。鬚。于。腮。觀。其。項。不。見。其。頸。凶。括。囊。无。咎。象。曰。六。五。之。凶。反。常。也。括。囊。无。咎。善。藏。也。上。九。鬚。于。鬢。

自上下下其道大光。象曰：損下益上，道大光也。予性喜鬚，年始壯而卽蓄之，然苦不多，亦不長，積數歲之久，殊寥寥也。豈蹭蹬其身者，并此而亦淹塞乎？抑因躁進之故，稍遏抑之，而使其大器晚成乎？是皆不可知。始作此以解嘲。一山人自記。

漢人惡鬚，至以坡竹春苗爲喻，恨不早除其根，而蓮仙性獨喜鬚，使鬚有知，當必喜得一

文章游戲初編卷六

三

知己矣。

澹然程作霖

困卦

繆 艮

困安貞吉。豕曰困。寢也。火伏而下，澤動而上。柔而麗乎陰，明動而晦，休得時而偕藏，是以安貞吉。男女困而其志通也。萬物困而其事同也。困之時用大矣哉。象曰：上筮下簞，困君子以寡寡居息。初九困于夜，乃安斯寢，乃寢。乃興。象曰：困于夜未失時也。六二困于晝，問其疾，悔亡。象曰：困于晝，問疾可也。九三困于家，終夜不寢，以思無益。吝。象曰：終夜不寢，憂貧也。以思無益，志不行也。六四困于旅，寢不安席，不利有攸往。象曰：寢不安席，其道窮也。不利有攸往，往无功也。九五困于牀，載弄之璋，富家大吉。象曰：富家大吉，易養也。上六困于地，載弄之瓦，有悔。象曰：上六之悔，未得富也。

文章游戲初編卷六

三五

長日如年倦而思，卧戲占困卦以驅睡魔，知不免侮聖言之罪矣。以困爲睡本，髡闔上困。

之說或云困作鈍亦可

天游子自記

信手拈來頭頭是道可謂奇而法矣至其詬語以經注經尤見學有根柢

粵生陳鴻壽

文章游戲初編卷六

三

酒元亨利君子貞小人弗克彖曰酒侑也侑以養陽也故元亨利君子貞尚德也小人弗克不知節也象曰黃流在中酒君子以飲食宴樂初九有酒盈樽王用享于上帝大亨貞象曰有酒盈樽以時需也王用享于上帝利有孚也九二禹惡旨酒貞吉悔亡象曰樂酒無厭末或不亡也九三泣酒不食无咎象曰無酒酤我來無方

文章游戲初編卷六

三

也不食无咎未失常也九四惟酒無量不及亂小有吝象曰惟酒無量以量飲也不及亂不爲困也小有吝懼失正也六五酒盈缶有不速之客三人來飲之終吉有悔象曰客來不速徒哺啜也飲之終吉其志得也其有悔自求口實也上六惡醉而強酒濡其首征凶象曰飲酒濡首大有害也征凶往有戒也

酒以合歡適可而止酌於酒則敗厥德矣占

此以爲沈湎者戒

雲游道人自記

子雲酒箴賢於伯倫自頌然陳遵一輩反借
以藉口不如以此卦爲枳棋

小鳧盧泉

蓮仙善飲飲不至醉醉亦未嘗少有失德也
故其言之愷切如此

青蘿薛宗烈

鳳王之誥

顧天朗

惟鳳建國。綏厥六服。乃立鳥官。使率其屬。量能而授。允哉羽族。不敢曰禮失而求諸鳥也。鳳王曰。格汝孔雀。重華協于子。汝作相。使宅百揆。王曰。雉文明克讓。汝典禮以五采彰施于五色。作服。汝明王曰。鷓鴣黎民阻飢。汝往漁捕。厥百魚。欽哉。惟時罔嘴百姓以從。己之欲。王曰。咨爽鳩。蠢茲有衆。巧言令色。孔王汝作士。惟貌有

文章游戲初編卷六

三

稽灼于四方。惟明克允。王曰。鶯命汝典樂。聲依永律和聲。笙簧以間。簫韶九成。人人以和。王曰。疇若予工。僉曰。鵲哉。王曰。俞。咨鵲。汝共工。鵲拜稽首。讓于燕。王曰。俞。往哉。汝諧。王曰。咨爾衆。鴟鴞貪兇。迪屢未同。疇若予搏。擊拏攬。僉曰。鴟哉。王曰。俞。咨鵲。汝摠師。鵲拜稽首。讓于鵲。王曰。俞。往哉。汝諧。王曰。鸚鵡。哲而能惠。汝作納言。詩言志。歌永言。朝夕納誨。以輔台德。罔攸伏。王曰。咨

爾鷄天之明且在爾躬汝司晨夙夜惟寅直哉
惟清鷄拜稽首讓于鶡鳴王曰俞往欽哉毋俾
牝鳴以索于家王曰鷗惟汝閒汝平水土浮于
江溪池沼逾于沙渚止于汀王曰吁羽哉翼哉
翼哉羽哉能自知幾者藏爲人莫已捷者亡飲
啄惟錯不見自圖毋縱逸欲以罹于羅念之哉
量能而授確不可易末段尤可書作官箴不
得以游戲目之

繆蓮仙

館誥

繆良

惟正月既望。越五日壬申。師朝步自東。則至于館。越一日乙丑。先生誥教小子咸聽。師命師若曰。嗚呼。小子。乃祖乃父。肇席在西土。厥詔爾幼。子童。孫命少僕御事。延子踐厥位。朝夕曰。課茲書。惟天降才。牖汝衷。惟人萬物之靈。直聰明作佳士。惟典籍愛厥心。專敬聽先生之彝訓。越內外事。小子惟一越在函丈。易書詩禮春秋。越四

文章游戲初編卷六

三

子書罔弗治。作文作字。惟詩惟賦。六藝咸克盡其力。勗哉小子。罔敢荒于嬉。不惟不敢亦不暇。若其自作不典。謂學無益。謂游無傷。矧惟自暴自棄。弟弗祇服。厥師教大傷。先生心館有常刑。子則鞭扑汝。汝念哉。嗚呼。夙夜罔或不勤。不作無益。害有益功。乃成我聞。曰古之人。猶胥訓告。胥斃學。胥教誨。惟日孜孜。無敢逸豫。古人有言曰。不學牆面。不學無術。予惟小子爾。惟踐修厥

業舊有令聞恪慎克遵毋玩時愒日毋半途是
廢爲山九仞功虧一簣嗚呼乃一心一志立定
厥功永終是圖尙明聽之哉毋貽爾乃祖乃父
羞。

游戲而雅深得誥體

嚴行之夫子

申戒小子處聲情俱肖

春巖胡敬

組織尙書誥體行文似屬游戲然句句爲及
門諄諄誥誡一片婆心若揭吾欲懸之講堂

文章游戲初編卷六

三美

得未曾有

怡亭姜疑

山中月令

顧天朗

孟春之月。柳稊蘭蕙芳。瑞香烈櫻桃。始葩徑草
綠。望春初放。百花動。仲春之月。桃夭玉蘭解。紫
荆繁杏花飾。其屬梨花。溶李能白。季春之月。薔
薇蔓木筆。書空棣萼。躡楊入大水。爲萍海棠。睡
雪珠落。孟夏之月。牡丹芍藥。相于階。罌粟滿
木香上升。杜鵑歸。醑醑香夢。仲夏之月。榴花吐
火。萱北鄉夜合。始交。簷葡有香。錦葵綠。山丹頰。

文章游戲初編卷六

三

季夏之月。桐花馥。茵萑爲蓮。茉莉來賓。凌霄結
鳳仙。降于庭。鷄冠環戶。孟秋之月。葵傾赤玉簪。
搔頭紫薇。浸月木槿。朝榮蓼花紅。菱花乃實。仲
秋之月。槐花黃。桂香飄。斷腸始交。白蘋開。金錢
夜落。丁香紫。季秋之月。菊有英。芙蓉冷。漢宮秋
老。菱荷化爲衣。橙橘登山。藥生孟冬之月。楓葉
紅。芳草爲薪。苔枯蘆始秋。朝菌歇。花藏不見。仲
冬之月。蕉花紅。枇杷蕊。松柏秀。蜂蝶蟄。剪綵時。

行花信風至季冬之月蠟梅標茗花發水仙負
冰梅香綻山茶灼雪花六出

是文原題山中歷其自序云葢莢開春梧桐
隕秋上古紀時固不俟羲和兄弟也月月有
花花應候植之院落雖無紀歷誌四時自
成歲非山齋一勝耶

繆蓮仙

文章遊戲初編卷六

三

書齋月令

繆 良

孟春之月。燈始落。館戶乃啟。先生來賓。乃命童子奉令承教。以初爲常。曰。毋或失時。其有失時。行罪無赦。是月也。牛鼻穿。則繫心猿。繫意馬。芸草生于牕。童子乃學習。仲春之月上。丁先薦。文廟祀不用犧牲。用雞豚。祭先鯉。先生居青氊西席。衣青衫。冠青巾。食苜蓿。其氣酸以腐。是月也。猫乃伺鼠。蠹化爲魚。帶草生。桃李附于門。牆李。

文章游戲初編卷六

三

春之月。命童子課功。乃教于講席。以習五經。班館政。命僕及諸生咸聽。載書策。操筆執硯。整設于兩丈北面。事之。是月也。牕雞鳴。墨花吐。艷綠草滿于牕。菜根香。孟夏之月。乃命童子入學習樂舞。勺舞象歌。風詩有不率教化者。鳴鼓攻之。是月也。槐始蔭。玉筍班。蠅頭始聚。用耕于石田。仲夏之月。日長。至先生齋戒。薄滋味。毋或出。毋躁。諸徒怠事。毋刑。以俟。默化之所成。是月也。龍。

舟來。童心動。蒲酒釀。角黍始分時。雨化季夏之
月。室陋溽暑炎氣。乃蒸板櫬不冷。如以熱湯不
可以攻經書。不可以作詩文。不可以執筆寫字。
是月也。汗雨時行。蚊蟲始交。綠蟻死。苦茗至。孟
秋之月。先生始肅。乃立課程。定規矩。具夏楚。禁
止姦愼。頑邪。務鞭扑。是月也。著草動筆。始花螢
火。入于囊。槐花黃。文星現。仲秋之月。天子乃命
太史周行天下。選俊傑。舉名士。禮賢者。以考其

文章遊戲初編卷六

罕

才必當其位。是月也。鸚鵡薦至。魚入大水。爲龍。丹
桂榮。文光射于牛斗。季秋之月。乃命司服。具飭
衣裳。韋布有恆。衫有大小。袪有長短。鞋襪有量。
必循其故。頂帶有常。是月也。蝸牛居壁。墨猴養
羞。雕蟲動。鴻鵠將至。孟冬之月。先生乃難典裘
不出。循行篋笥。視家具。按囊囊。瞻身體。察服色。
量單寒。視棉裕。皆敝敗。完者備。當凍體。其粟是
月也。木棉生。破者畢出。碎者盡達。兔毫脫。硯池

始冰仲冬之月日短至申嚴教法命諸生大小
無不務學以足三冬之用母有淫泆室宇寒沍
乃伐薪爲炭生徒咸俯在內皆墮其戶是月也
日夜分蘭膏焚燈始花飛蛾死季冬之月命司
徒謹收藏命少僕循行几席無有不斂扇戶牖
鍵書笥慎毋發蓋毋毀薪木以固而閉是月也
牛鼻解童藏不見反舌無聲瓶梅負冰雪盈案
脩脯至師乃歸諸生蕩

文章游戲初編卷六

聖

北方月令閏中月令惜傳之者未覩其全此
則饜飫衆心大可榜諸里塾

耕塘姚鑑

頗有趣致雖屬游戲傳後無疑

滋田沈培元

此與前館誥皆青瑣坐久無地發洩聊藉之
以消遣者也語語令人解頤句句爲我解悶
何妙技一至於斯耶

雲柯桑庭樵

